


Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage si dengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Mejuah-juah turang ras senina i bas Gelar Tuhanta Jesus Krisus. I bas minggu enda sibengketi me minggu si ngingetken kita kerna kuga arusna kita erdahin selaku tinepa si sentudu ras tempas Dibata. Kejadin 2 : 15, ngingetken kita, maka Dibata nepa kita guna ngusih pendahinNa lako njagai dengen mpekenakena doni enda gelah tetap jadi ingan kegeluhen si sikap man banta, man temanta bage pe man kerina tinepa sideban.

Arah pendahinta me Dibata reh nehken pasu-pasuNa man banta bagepe nandangi doni enda. Kalak si erdahin alu tutus ngena ate Dibata.

Sibengketi dage kebaktinta alu kehamaten ras ketedehen ate kempak Dibata si nepa kita lako ndahiken dahin si mehuli.

Erkata Lonceng

(Perp. Tedis)

Rende

KEE No. 14 : 1, 2, 3

(Serayan Kebaktin Bengket Ku Mimbar)

Kebaktin Minggu, 21 Juni 2026
Minggu III Kenca Trinitatis / Minggu Pendahin / Etika Kerja

3	Votum – Salam <i>(Perp. Tedis)</i>
L	I bas gelar Dibata Bapa si ndilo kita erdahin guna ngusahai ras njagai doni, i bas AnakNa Jesus Kristus si erdahin guna kinulin doni, ras i bas gelar Kesah si Badia si mereken kepentaren gelah kita ngasup erdahin alu mehuli. Dibata Bapa mereken gegeh ras kepentaren, dingen kemalemen ate man banta. Amin.
P	Amin Amin Amin <i>(iendeken)</i>
4	Berita Kerna Pendahin Ras Sura-Sura Dibata (Invocatio)
L	“Tapi nina Jesus man kalak Jahudi e, “BapangKu erdahin kap lalap; e maka Aku pe arus erdahin” (Johanes 5 : 17). Erpalasken Kata Dibata enda, sipuji IA alu radu ras kita ngendeken : KEE No. 444 : 1, 2, 3
5	Pujin Nandangi Kiniulin Dahin Dibata <i>(Perp. Kundul)</i>
L	Pustaka Si Badia nuduhken uga ulina Dibata erdahin guna kiniulin doni enda. Mula-mulana, ijadiken Dibata langit ras doni. IaturkenNa doni si lenga lit tempasna jadi mehuli. Isikapkenna lawit simbelang, awang-awang ras taneh kerah jadi ingan kegeluhen. IaturkenNa matawari, bulan ras bintang guna ngiani suari ras berngi, si jadi tanda permulan wari, bulan, tahun ras musim.
P	Terpujilah Kam Tuhan, sabab mehuli kal ulih pendahinNdu.
L	Itepa Dibata pe erbage-bage sinuan-sinuan bage pe erbage-bage rubia-rubia ras asuh-asuhen. Jenari, itepa Dibata me manusia si sentudu ras tempasNa, dilaki ras diberu guna njagai ras mpekenakena doni enda. Itatap Dibata kerina tinepaNa, seh kal ulina.
P	Terpujilah Kam Tuhan, sabab mehuli kal ulih pendahinNdu.
L	Emaka idungi Dibata kerina dahinNa janah iserapkenNa sada wari jadi wari pengadi-ngadin, jenari ipasu-pasuNa kerina.

P	Terpujilah Kam Tuhan, sabab mehuli kal ulih pendahinNdu.
L	Mari sipenangkih pujin-pujinta man Tuhan i bas kerina pendahiNa si enggo nepa kegeluhen doni alu mehuli, alu ngendeken : KEE No. 311 : 1, 2, 3
6	Kinilangasupen Manusia Ngikutken Pendilo Dibata
L	<p>Dibata enggo nepa doni enda alu mehuli, dengen ipehagaNa kita alu erbahan kita sentudu ras tempasNa. Jenari, iangkatkenNa kita jadi temanNa erdahin guna pekena-kena doni enda.</p> <p>I bas kita ngakuken Jesus jadi Dibata Bapanta, kai nge ndia si idah i bas pusuh ras perbahanenta, tandana kita sentudu ras tempas Bapanta? Pusuh ras perukuren sikuga nge idapeti Dibata i bas kita?</p> <p>IdapetiNa ndia kiniteken situtus jaga kesegambarenta ras rupa Dibata?</p> <p>IdapetiNa ndia pusuh ukur si tetap ngukurken si mehuli lebih asa keperlun diri? IdapetiNa ndia perukuren ras perbahanen si mehuli? Pusuh si kuga nge idapeti Tuhan i bas kita genduari?</p> <p style="text-align: center;"><i>(Paksa Teneng)</i></p>
L	Marilah siakuken dosanta man Tuhan
P	O Tuhan, megati la kuinget, maka itepaNdu aku tudu ras tempasNdu, janah idiloNdu aku erdahin jadi pasu-pasu. Megati lanai idah doni enda keleng ateNdu i bas pendahinku. Megati lanai idah jabungku rupaNdu i bas rupangku. O Tuhan alami kal aku.
L	<p>Kenca sigejap kerna salah lepakta man Dibata, mari dage sipindo pengalemi dosa idur Dibata nari, arah ende-endenta :</p> <p>KEE No. 76 : 1, 2, 3</p>
7	Pengalemi Dosa <i>(Perp. Tedis)</i>
L	<p>Selaku persuruhan Dibata aku nehken kataNa man banta kerina si ngakuken dosa ras kesalahenna, dengen jera i bas dosa ras kesalahenta nari, niNa :</p> <p><i>“Tole nina TUHAN, “Marilah maka si dungi cakapta enda. Kam</i></p>

	<p><i>enggo erkubang-kubang ibahan dosa, tapi kuperidi kam maka bersih bagi salju. Aminna gia erkiteken dosandu kam enggo mbiring bagi tengguang, mulihi kam jadi mbentar bagi kapas” (Bdk. Jesaya 1 : 18).</i></p> <p>Mari sipenangkih puji-pujinta erkiteken dosanta enggo ialemi, arah ende-endenta : KEE No. 194 : 1, 2, 3</p>
<p>8</p>	<p>Kata Dibata <i>(Perp. Kundul)</i></p>
<p>a</p> <p>6:6 L</p> <p>6:7 P</p> <p>6:8 L</p> <p>6:9 P</p> <p>6:10 L</p> <p>6:11 P</p>	<p>Marilah sibegiken Kata Dibata si man ogenken ibas Minggu enda sini ibuat ibas Kitab Kuan – Kuanen 6 : 6 - 11. Mari siogeken secara pegancih. Sibenaken pengogenta</p> <p>O kalak perkisat, perdiatatekenlah perkis, janah erlajarlah i bas ia nari.</p> <p>Perkis la lit peminpinna, la lit mandurna, la lit si njagasa,</p> <p>tapi erdahin ia pepulung nakan tupung paksa lego guna pangan tupung paksa perudan.</p> <p>O kalak perkisat, asa kai nari dekahna kam medem-medem saja? Ndigan ndia kam keke?</p> <p>Nina, “Kentisik saja aku medem; cirempu aku janah pekesahken kentisik saja.”</p> <p>Tapi tupung ia tunduh rempet reh kemusilen nindih ia desken pengerampok si ersenjata.</p>
	<p>Ketuahen kalak si megiken Kata Dibata, dengen si makekenca i bas geluhna si tep-tep wari, Haleluya.</p> <p>Ialoi perpulungen alu ngendeken :</p> <p><i>Haleluya Haleluya Haleluya</i></p>

b	Ertoto guna Khotbah
c	Khotbah : 1 Tesalonika 4 : 11 - 12. Tema : “Erdahin Guna Keperlun Geluh”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen Pengataken Bujur <i>(Perp. Kundul)</i>
L	<p>Dibata enggo erdahin guna kiniulinndu ras kerina isi doni enda, idiloNa dengen isikapkenNa dahin man bandu jadi dalanndu ngaloken pasu-pasuNa. Dage mari siendesken persembahen pengataken bujurta man Dibata. Kata Dibata si jadi palas i bas kita nehken persembahenta :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i></p> <p>Iherta ngendesken persembahen ras kita rende :</p> <p>KEE No. 343 : 1, 2, 3</p> <p>Pertoton Persembahen ras Syafaat</p>

11	Perpadanen Man Dibata <i>(Perp. Tedis)</i>
L	Ingetlah maka kam itepa Dibata maba pasu-pasu arah pendahindu.
P	Erpadan aku O Tuhan, kuendesken me diringku, jadi pasu-pasu arah pendahinku.
L	Manusia itepa Dibata guna ngusahai ras njagai kerina tinepa Dibata.
P	Erpadan aku O Tuhan, kuendesken me diringku jadi pasu-pasu man kerina tinepaNdu. Kupake me wari-wari si iberekenNdu, gelah idah doni enda pendahinNdu i bas pendahinku.
L	Sipepaguhi perpadanenta arah ende-enden : KEE No. 255 : 1, 3, 4
12	Pertoton Tuhan
13	Pengutusen Ras Pasu-Pasu Dibata
L	Berkatlah, dahikenlah dahinndu sabab Dibata pe tetap erdahin i bas kam gelah kam nggit dengen ngasup ndalanken si ngena ateNa. Guna si e, alokenlah pasu-pasu idur Dibata nari : <i>“Dibata si enggo ndilo kam ku bas kemulianNa si rasa lalap i bas Kristus, IA njadikan kam serta, tetap, megegeh dengen paguh. IA me si mada kuasa seh rasa lalap”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>